

Konkolaattota, tiraanziitii fi fe'umsaa ariifachiisaaf dursa kennuuf 'Suuraa Fayyadamuun Riqicha Gadii Lixa Siyaatil Irratti Seera Hojiirra oolchuu' January 11, 2021 ni eegala.

Sirni seera hojiirra oolchuu haarawaan, tokkoon tokkoo imala seeraan alaatiif abbootii qabeenyaa konkolaattota hayyama hin qabneef kanfaltii waraqaa waamichaa mana murtii \$75 ni erga.

westseattlebridge@seattle.gov 206-400-7511

Lixa Siyaatil nageenya uummataaf cufameera; [Riqichi Gadii Lixa Siyaatil](#) (akkasumas 'Spokane St. Bridge' jedhamee waamamu) karaa seensaa fi bahiinsa konkolaattota, awtoobisiwwan, fi fe'umsa ulfaataatiif baay'ee murteessaa ta'ee jira. Daandii murteessaan kun imala barbaachisoo kanneeniif banaa taasisuuf, Subii sa'a 5 a.m hanga 9 p.m'tti Riqicha Gadii kana irratti konkolaattotni biroon hin konkolaachisan. January 11, 2021 irraa eegalee, **Qajeelchi Geejjibaa Siyaatil (SDOT)** sirna suura fayyadamuun seera kajabchiisuu awtoomeetid ta'e banaa taasisuun, abbootii qabeenyaa konkolaattota hin hayyamamne kallattii kamiinuu riqicha gadii kana qaxxaamuraniif waraqaa waamichaa \$75 ni kenna.

Seerotni itti fayyadama riqicha gadii hin jijjiiraman:

- Konkolaattotni riqicha gadii kana 5 a.m. hanga 9 p.m'tti fayyadamuuf isaaniif hayyamame konkolaattota dhimmoota ariifachiisaa, awtoobisiwwan, konkolaataa hojjechiisaa kan hojjetoota tajaajilan, vanpools, fe'umsaa fi konkolaattota dursa hayyama argatan kanneen murtaa'an
- Namootni dhokdhokkee, Scooter, Awtoobisii oofan, ykn lafoo imalan riqicha gadii kanatti fayyadamuu danda'u
- Konkolaattotni biroon hundi (konkolaattota, dhokdhokkeewwan, taaksiwwan, fi konkolaattota 'ride-hailing app' qaban kanneen akka Uber fi Lyft) riqicha gadii kana 5 a.m. hanga 9 p.m'tti fayyadamuu hin danda'an, yoo kana godhan ammoo waraqaan waamichaa mana murtii \$75 ni ergamaaf.
- Namni kamuu riqicha gadii kana halkan guutuu 5 a.m. hanga 9 p.m'tti oofuu ni danda'a. Yeroo kanatti waraqaan waamichaa mana murtii isin qaqqabu hin jiraatu.

Daangessawwan gara riqicha gadii geessu irratti konkolaattota ariifachiisoo fi barbaachisoo ta’an kanneen hayyamni kennameef banaa gochuuf; Keessumaa, konkolaattota ariifachiisaa hospitaala gahuuf deemaniif murteessaa dha. Riqichi gadii kun kallattii hundaan sarara (lane) tokko qofa yommuu ta’u, konkolaattota sarara toorba riqicha olii keessummeessuuf kutaa hin qabu. Daangessawwan kamuu yoo hin jiraatiin, muddama tiraaafikaa paaraawultii – hanga – paaraawultii fi dudduubi isaanii ol dheeraa (‘long back-ups’) ni uuma.

Sararri filmaataa (dabalataa) namoota Riqicha gadii irra konkolaachisuu hin dandeenyee: “1st Ave S Bridge or South Park Bridge” ni dabalata. Qajeelchi Geejjibaa Siyaatil (SDOT) namoota gara Lixa Siyaatil’tti fi irraa taasisan tumsuu itti fufa. Karaa [Sagantaa Lixa Siyaatil Irradeebiin Quunnamsiisuu](#) jedhuun hawaasa naannichaa waliin taanee dhiibbaa piroojektoota jijjiirraa daandii tiraafikaa hir’isuuf, quunnamtiwwan Lixa Siyaatil irraa fi gara Lixa Siyaatiliti taasifamu duraa duuba piroojektoota saaykilii haarawaa ijaaroo, fi sararoota jijjiirraa daandii hundeessuuf fi fooyyessuuf irratti hojjechaa jirra. Namootnis filannoowwan imalaa isaanii [Filannoo Sarara Imala Seensa Lixa Siyaatil fi Sulula Duwamish](#) akka argatan ni gargaarra.

Sirni suuraa fayyadamuun seera kabajchiisuu kutaalee Siyaatil biroo keessatti akka kaameeraa tiraafikaatti tajaajila. Kunis ibsaa diimaa cabsanii deemuuf ykn godinaalee mana barnootaa nageenyi isaa eegame keessatti saffisaan wayita konkolaachisan tikeeta adabbii ni kenna. Tooftaan kunis suura konkolaattota gabatee hayyama qabaniin wayita riqicha olii ni kaafata. Kunis tarree lakkoofsota gabate hayyama qaban waliin wal bira qabamee ni ilaalama; akkasumas konkolaatichi riqicha gadii keessa akka imalu yoo hin hayyamamiiniif waraqaan waamichaa mana murtii \$75 abbaa qabeenyaa konkolaataatiif teessoo galmee konkolaataatti ni ergamaaf.

Sirni photo enforcement kun faayidaalee fi si’aayinaalee hedduu ni qaba. Kana jechuunis qondaaltotni poolisii lakkoofsaan muraasa ta’an saayiticha irra qaamaan kan turanii ta’ee; kana jechuunis poolisiin dhimmoota fedhii uummataa kanneen biroo irratti xiyyeeffachuu ni danda’a jechuu dha. Kunis hojiirra oolmaa seeraa sana caalaatti wal fakkaataa fi kan kaayyeffame, hojii timaamaan eenyutu riqicha gadii kana akka fayyadamu hayyamameef ykn hin hayyamamneef jedhu dhabamsiisuuf ni gargaara. Hunda caalaa, barbaachisummaan isaa, sirni hojmaataa kun namootni hin hayyamamneef hatanii riqicha kana akka hin fayyadamnee fi konkolaattotni dhimmoota

ariifachiisaa, fe'umsaa, fi tiraanziitii nageenyi isaanii eegamee riqicha kanatti haala bu'aa qabeessaan akka fayyadaman gargaara.

Iccitii eeguuf, kaameeraawwan kunneen lakk.gabatee konkolaattotaa qofa malee, namoota konkolaataa keessa jiran hin waraaban. Suuraaleen kunneenis daangaalee seeraa itti fayyadama riqicha gadii ilaalchisee kaa'aman raawwachiisuuf qofa karoorfaman, malee tajaajila raawwachiisa seeraa biraatiif yaadamee miti.

Konkolaattotni dhimmoota ariifachiisaa, tiraanzitii fi fe'umsaa riqicha gadii battaluma sana akka itti fayyadaman kan hayyamameef yommuu ta'u, waraqaan waamichaa mana murtii isaaniif hin kennamu. Konkolaattotni biiznasii daandii galaanaa, mootummaa fi Lixa Siyaatil dalagaalee hojii hatattamaa dhiyeenyatti hojjetan riqicha kanatti akka fayyadaman durumaa isaaniif hayyamameera. Lakk.hayyama gabatee isaanii gara sirna hojmaataa kanatti seensisuuf Qajeelchi Geejjibaa Siyaatil (SDOT) dhaabbilee kanneen waliin hojjetee jira. Isinis haala ibsa armaan oliitiin durumaan naaf hayyameera jettu taanaan, ergaa i-meelii karaa westseattlebridge@seattle.gov barreessaa ykn lakk.206-400-7511 irratti bibilaa.

Hojmaatni sirna suuraa fayyadamuun seera kabajchiisuu haarawaan erga hojiirra oolee booda Qajeelchi Geejjibaa Siyaatil jalqaba bara 2021 keessa hanga sochii tiraafikaa riqicha gadii ni to'ata. Odeeffannoon sochii tiraafikichaa kutaan daandii itti baldhisan yoo jiraate, riqicha gadiitti fayyadamuun gaarii akka ta'e gorsa madaalawaa kennuuf, Garee Misooma Hawaasaa Riqicha Lixa siyaatil waliin taanee hojjenna.

FAQs Suuraa Fayyadamuun Seera Kabajchiisuu Riqicha Gadii Lixa Siyaatil

Akeekkachiisa seera cabsuu kanneen isiniif kennamuuf yeroo hangamii fudhata?

Abbaan qabeenyaa konkolaataa hayyamni hin kennamiiniif galmaa'ee beekamu, seera cabsuu isaatiif guyyoota 14 keessatti ergaan isa qaqqaba. Waraqaan waamichaa kallattiilee imalaa riqichaa gama lamaaniifuu isiniif kennamuu ni danda'a. Seera kan cabsitan osoo konkolaataa kireeffattan konkolaachiftanii yoo ta'e, daangaan yeroosaa dheeraa ta'a. Dhaabbatni kireessaa konkolaataas eenyutu konkolaataa sana oofaa ture kan jedhu adda baafachuuf fi odeeffannoo erguun, beeksisni seera cabsuu kunis kireeffataa konkolaataaf erguun akka danda'amuuf dha.

Manni Murtii Mana Qopheessaa Siyaatil namoota ulaagaa kana guutaniif rakkoo maallaqaa isaan mudatu hir'isuuf jecha, filannoo tajaajila hawaasaa karaa itti kanfaltii kana raawwatan haala ni mijeessa. Kanfaltiin kunis dhala hin qabaatu. Akeekkachiisni seera cabsuu yoo isin qaqqabe, kanfalticha raawwachuuf guyyoota 18 qabdu.

Kanfaltii Waraqaa Waamichaa mana murtii akkamiinan kanfala?

Akeekkachiisni seera cabsuu keessan ibsu yoo isin qaqqabe, kanfalticha raawwachuuf guyyoota 18 isiniif kennama. Kanfalticha raawwachuufis filannoowwan sadii qabdu:

1. Chekii ykn ajaja kanfaltii maallaqa US'dhaan, Mana Murtii Mana Qopheessaa Siyaatilitti kanfalamu, hammi isaa fuulduraan muldhatu, guyyaa kanfaltiin itti raawwatamu isa dhumaa fi isa dura ergaa. Maaloo kuupponii miiltoo taasifamee jiru kanfaltii keessan waliin wal qabsiisaa. Lakk.akeekkachiisaa fi lakk.gabatee hayyamaa keessan cheekii ykn ajaja maallaqaa keessan sana irratti barreessaa. MAALOO MAALLAQA POOSTAADHAAN HIN ERGIINAA.
2. Guyyaa dhumaa sanatti ykn isa dura www.seattle.gov/courts/ticketinformation.htm gama intarneetiin ykn tooftaa hojmaata kanfaltii awtoomeetid ta'e gama lakk.bilbilaa (206) 233-7000 keenya dubbisuun kanfalaa.
3. Guyyaa dhumaa sanatti ykn isa dura, guyyaa Wixataa hanga Jimaatatti ganama 8:00 AM hanga sa'a booda 5:00 PM'tti Waajjira Kanfaltii Mana Murtichaatti, 600 Fifth Avenue, Siyaati, WA, Darbii 1ffaa Gamoo Mana Murtii Mana Qopheessaa Siyaatilitti qaamaan dhiyaadhaa kanfalaa. Sa'aatii hojiin ala haala mijeeffachuuf gabateen kanfaltii Gamoo Mana Murtii Mana Qopheessaa Siyaatil fuulduratti argama.

Waraqaa waamichaa mana murtii kana akkamiinan morma/komadha?

Kuupponii miiltoo taasifame waraqaa waamichaa waliin qabsiisuun dhaddacha furmaata komii ni gaafattu. Itti-gaafatamummaa irraa bilisa ta'uu mirkaneessuuf ibsa kdhiyeeffachuuf, qajeelfamoota waraqaa waamichaa sanarra jiran hordofaa.

- DHADDACHA WAA'EE TAATEE UUMAME SANA HUBACHIIFACHUU: Dhaddacha furmaata gaafachuu keessaniin isin waraqaa waamichaa mana murtii sana raawwattanii jirtu jedhamee yaadama. Dhaddacha dhagahamu kana irratti ragoolee dhiyeessuun isin irraa hin eegamu ta'a. Furmaata komii yoo gaafattan, waraqaa waamichaa sana yoo simattan, garuu, manni murtichaa adabbii sana naaf hir'isa ykn haqa jettanii yoo amantan dha.

- DHADDACHA MORMII WARAQAA WAAMICHAA: Dhaddacha mormii waraqaa waamichaa irratti, Magalittiin kun gochi waraqaan waamichaa itti ergame sun raawwatamuu isaa dirqamni ragaadhaan mirkaneessuu isarra jira. Haala kanaan, qondaala akeekkachiisa seera cabsuu keessan sana qabate dabalatee, ragaalee isiniif hubachiisan dhiyeeffachuu ni dandeessu. Dhaddacha mormii yoo gaafattan, mnni murtichaas walgahii dhaddacha falmiin duraa ni qopheessa. Isinis unka beeksisa falmii dhaddachaa waliin qabsiifame mnni murtii isiniif ergu sana fudhatama dhabsiisuu ni dandeessu.
- LABSII ITTI GAAFATAMUMMAA IRRAA BILISAA DHIYEESSUU: Konkolaataan keessan seerri kun cabuu isaatiin dura yoo hatame, gurgurame, isin [ibsa jecha kakuu](#) itti fufiinsa isaa fudhatama dhabsiisuuf, SMC 11.31.090 hundeeffame, yeroo seerri sun cabe konkolaticha konkolaachisaa turuu keessan mormuun mana murtiif dhiyeessuu ni dandeessu.

Ragaa ani Riqicha gadii seeraan ala qaxxaamuruu koo agarsiisu ilaaluu nan danda'aa?

Suuraa fi viidiyoo kallattiin (online) www.ViolationInfo.com irratti ilaaluu ni dandeessu.

Isinis lakk.akeekkachiisaa fi PIN fuuldura fuula akeekkachiisaa seenamuu fayyadamuu qabdu.

Namootni kompiyuutara hin qabne ammoo ragaa suuraa fi viidiyoo ilaaluuf [Damee Mana Kitaabaa Uummataa Siyaatil](#) ykn ykn Mana Murtii Mana Qopheessaa (600 Fifth Avenue) daawwachuu ni danda'u.

Kanfaltii Waraqaa waamichaa sana yoon kanfale ykn Mana Murtiitti balleessaa ta'uun koo yoo mirkanaawe hayyamni ykn inshuraansiin koo maal ta'a?

Seera cabsuun suuraan deeggarama akka seera paarkiingii cabsuutti lakkaawama. Hayyama keessan waliin dhimmi wal isa qabsiisu hin jiraatu, qabxiin shallagamu hin jiru, akkasumas inshuraansii keessan irratti dhiibbaa homaatuu hin qabu.

Waa'ee iccitii koo nan yaadda'a. Kaameeraan konkolaataa koo erga suura kaasee booda maaltu uumama? Ragaa kana namni biraan irra deebi'ee ilaalu jiraa?

Iccitii eeguuf, kaameeraawwan kunneen lakk.gabatee konkolaattotaa qofa malee, namoota konkolaataa keessa jiran hin waraaban. Suuraaleen kunneenis daangaalee

seeraa itti fayyadama riqicha gadii ilaalchisee kaa'aman raawwachiisuuf qofa karoorfaman, malee tajaajila raawwachiisa seeraa biraatiif yaadamee miti.

Konkolaataan sun yeroo sanatti riqicha gadii sana fayyadamuuf hayyamni kan kennameef ta'uu fi dhiisuu adda baafachuuf jecha, sirni hojmaataa kun lakkoofsota hayyama gabatee fayyadamtoota daataabeezii irra jiran kan hayyamameef ta'uu wal bira qabee madaala. Qondaaltotni Qajeelcha Poolisii Siyaatil, beeksisa seera cabsuu kennuu isaatiin dura, suuraa seera cabsuu hammaataa irra deebi'ee ni xiinxala. Konkolaattotni hin hayyamamne riqicha gadii kana irra imaluu isaaniitiif, imala tokkotti waraqaa waamichaa \$75 ta'e ni kanfalu.